

ს.ს. „ელექტროენერგეტიკული სისტემის კომერციული
ოპერატორი“



სატრენინგო მომსახურებების (CPV 80500000) შესყიდვის გამარტივებული
ელექტრონული ტენდერის
სატენდერო დოკუმენტაცია

ქ. თბილისი 2016 წელი

ს ა რ ჩ ე ვ ი

1. ინფორმაცია ტენდერში მონაწილეთათვის
2. საკვალიფიკაციო მოთხოვნები
3. ტექნიკური დავალება
4. სახელმწიფო შესყიდვების შესახებ ხელშეკრულების პროექტი
5. აფიდავიტი
6. დამატებითი ინფორმაცია

1. ინფორმაცია ტენდერში მონაწილეთათვის

სახელმწიფო შესყიდვების ერთიანი ელექტრონულ სისტემის საშუალებით შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს 2011 წლის 7 აპრილის №9 ბრძანებით დამტკიცებული „გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად. ინსტრუქტაჟი შესაძლებელია ასევე იხილოთ <http://procurement.gov.ge>

2. საკვალიფიკაციო მოთხოვნები

2.1. იურიდიული პირისა და ინდივიდუალური მეწარმისათვის:

- ამონაწერი მეწარმეთა და არასამეწარმეო (არაკომერციული) იურიდიულ პირთა რეესტრიდან (მოთხოვნილი იქნება მხოლოდ იმ შემთხვევაში, თუ სსიპ „საჯარო რეესტრის ეროვნული სააგენტოს“ ოფიციალური ვებ-გვერდის მეშვეობით შეუძლებელია პრეტენდენტის შესახებ შესაბამისი ინფორმაციის სრულყოფილად მიღება);

ასეთ შემთხვევაში „შემსყიდველის“ მოთხოვნაში გათვალისწინებული ადმინისტრაციული ორგანოდან წარმოსადგენი დოკუმენტი გაცემული/მომზადებული უნდა იყოს “ტენდერი გამოცხადებულია” სტატუსის მინიჭების შემდეგ.

2.2. ფიზიკური პირებისათვის:

- პირადობის მოწმობის ან პასპორტის ასლი;

2.3. აღნიშნული დოკუმენტები გამარჯვებული პრეტენდენტის მიერ წარმოდგენილ უნდა იქნეს ელექტრონული ვაჭრობის დამატებითი რაუნდების დასრულების შემდეგ „შემსყიდველის“ მოთხოვნის შემთხვევაში და შესაბამისად.

2.4. ფიზიკური პირისთვის პირადობის დამადასტურებელი დოკუმენტის, ხოლო ინდივიდუალური მეწარმისა და იურიდიული პირისათვის მეწარმეთა და არასამეწარმეო (არაკომერციული) იურიდიული პირების რეესტრიდან ამონაწერის მოთხოვნის მიზანია პირის იდენტიფიკაცია, ხოლო ინდივიდუალური მეწარმისა და იურიდიული პირის შემთხვევაში, ასევე სახელმწიფო შესყიდვების პროცესში მესამე პირებთან საწარმოს წარმომადგენლობაზე უფლებამოსილი პირების დადგენა.

2.5. პრეტენდენტის მიერ საკვალიფიკაციო მონაცემების დამადასტურებელი დოკუმენტის წარდგენა ხდება მოქმედი კანონმდებლობით გათვალისწინებული წესით.

3. ტექნიკური დავალება

- 3.1. გამარტივებული ელექტრონული ტენდერის შესყიდვის ობიექტს წარმოადგენს წინამდებარე ტექნიკურ დავალებაში ქვემოთ განხილული **სატრენინგო მომსახურება (CPV 80500000)**.
- 3.2. მიმწოდებელმა უნდა უზრუნველყოს სს „ელექტროენერგეტიკული სისტემის კომერციული ოპერატორი“-ს (შემდგომში-„შემსყიდველი“) **6 (ექვსი) თანამშრომლისათვის** (სერტიფიკაციის მაძიებლები) ელექტრომეურნეობის სფეროში უსაფრთხოების ტექნიკის, ტექნიკური ექსპლუატაციის, სახანძრო და პირველადი სამედიცინო დახმარების წესების ცოდნის შემოწმება სსტ ისო/იეკ 17024:2012/2014 სტანდარტის („შესაბამისობის შეფასება. ზოგადი მოთხოვნები პერსონალის სერტიფიკაციის ჩამტარებელი ორგანოებისადმი“) მოთხოვნების შესაბამისად.
- 3.3. მომსახურება მოიცავს „შემსყიდველის“ თანამშრომელთა (სერტიფიკაციის მაძიებლები) სწავლებას, მათ გამოცდას/ტესტირებას და მათზე შესაბამისი საკვალიფიკაციო მოწმობის ან/და სერტიფიკატის გაცემას.
- 3.4. გამოცდაზე მიღებული დადებითი შეფასების შემთხვევაში, „მიმწოდებელი“ გადასცემს „შემსყიდველს“ საკვალიფიკაციო მოწმობებსა და/ან სერტიფიკატებს.
- 3.5. უარყოფითი შეფასების შემთხვევაში, სერტიფიკაციის მაძიებელს ერთხელ, გამოცდიდან 20 დღის განმავლობაში, უნდა მიეცეს გამოცდაზე განმეორებით გასვლის უფლება დამატებითი თანხის გადახდის გარეშე.
- 3.6. „მიმწოდებელი“ იძლევა გარანტიას, რომ მის მიერ გაცემული საკვალიფიკაციო მოწმობა ან/და სერტიფიკატი დაადასტურებს მისი მფლობელი პირის მიკუთვნებას საქართველოს ენერგეტიკის მინისტრის 2008 წლის 18 ნოემბრის №100 ბრძანებით დამტკიცებული „**ელექტროდანადგარების ექსპლუატაციისას უსაფრთხოების ტექნიკის წესებით**“ განსაზღვრული ენერგოუსაფრთხოების შესაბამისი ჯგუფისადმი.
- 3.7. ტენდერში მონაწილეობის მსურველ პრეტენდენტს უნდა გააჩნდეს **აკრედიტაციის ერთიანი ეროვნული ორგანოს-აკრედიტაციის ცენტრის** მიერ გაცემული სპეციალური აკრედიტაცია, რომლის დამადასტურებელი დოკუმენტ(ებ)ი სავალდებულო წესით წარმოდგენილი (ატვირთული) უნდა იქნას ტექნიკურ დოკუმენტაციასთან ერთად.
- 3.8. „შემსყიდველი“ იღებს ვალდებულებას უზრუნველყოს სერტიფიკატის მაძიებელ თანამშრომელთა დასწრება სწავლების პროცესზე.
- 3.9. მომსახურების მიწოდების საერთო ვადა განისაზღვრება ხელშეკრულების ხელმოწერიდან 2016 წლის 20 მაისის ჩათვლით. სწავლის ხანგრძლივობისა და გამოცდის ჩატარების კონკრეტული გრაფიკი დადგინდება აღნიშნული ვადის ფარგლებში, მხარეთა ურთიერთშეთანხმების საფუძველზე.
- 3.10. მომსახურების მიღება-ჩაბარება ფორმდება მხარეთა მიერ ხელმოწერილი, მიღება-ჩაბარების დამადასტურებელი შესაბამისი დოკუმენტის საფუძველზე, საკვალიფიკაციო მოწმობების/სერტიფიკატების გადაცემის შემდგომ. მომსახურების მიღებას „შემსყიდველის“ მხრიდან აწარმოებს შესაბამისი უფლებამოსილი წარმომადგენელი, რომელიც უფლებამოსილია დაესწროს ასევე გამოცდების ჩატარების პროცესს, ხოლო მიმწოდებელი ვალდებულია ხელი შეუწყოს მას ინსპექტირების ჩატარების პროცესში.
- 3.11. ფაქტობრივად განხორციელებული მომსახურეობის ღირებულების ანაზღაურება „შემსყიდველის“ მიერ მოხდება უნაღდო ანგარიშსწორების ფორმით ეროვნულ ვალუტაში, მიღება-ჩაბარების დამადასტურებელი შესაბამისი დოკუმენტის საფუძველზე, „მიმწოდებლის“ მიერ საანგარიშსწორებო/საგადასახადო დოკუმენტაციის წარმოდგენიდან 5 სამუშაო დღის განმავლობაში.
- 3.12. სატენდერო განცხადებაში ფასი მითითებულია დღგ-ს გარეშე. შესაბამისად, პრეტენდენტმაც წინადადების ფასი უნდა წარმოადგინოს დღგ-ს გარეშე, მიუხედავად იმისა არის თუ არა დღგ-ს გადამხდელი. წინადადებების შეფასებაც მოხდება დღგ-ს გარეშე ფასების მიხედვით. საჭიროების შემთხვევაში, ხელშეკრულებაში გათვალისწინებული იქნება დღგ. ხელშეკრულების ჯამური ღირებულება მოიცავს ხელშეკრულებით გათვალისწინებული

მომსახურების განხორციელებასთან დაკავშირებულ ყველა ხარჯს და კანონმდებლობით გათვალისწინებულ გადასახადებს.

3.13. პრეტენდენტმა სავალდებულოდ უნდა წარმოადგინოს დასაბუთება ფასწარმოქმნის ადეკვატურობის შესახებ იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე. ფასწარმოქმნის ადეკვატურობა შესაძლებელია დასაბუთდეს ექსპერტიზის დასკვნით, შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშ-ფაქტურით (ინვოისით) ან/და სხვა ისეთი დოკუმენტაციით, რომელიც დაადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

3.14. მომსახურება უნდა განხორციელდეს მაღალი ხარისხით. თუ „მომწოდებლის“ მიერ გაწეული მომსახურება იქნება არასრულყოფილი (უხარისხო), იგი ვალდებულია ნაკლი აღმოფხვრას საკუთარი ხარჯებით.

3.15. სატენდერო წინადადება ძალაში უნდა იყოს შემდეგი ეტაპების დადგომამდე: „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“.

3.16. სატენდერო წინადადების წარდგენა ავტომატურად ნიშნავს მიმწოდებლის თანხმობას სატენდერო დოკუმენტაციით დადგენილ პირობებსა და მოთხოვნებზე. ამასთან, პრეტენდენტს შეუძლია წარმოადგინოს (სისტემაში ატვირთოს) მისი რეპუტაციისა და საქმიანი გამოცდილების დამადასტურებელი დოკუმენტაცია.

3.17. ტექნიკური დოკუმენტაცია წარმოდგენილი უნდა იყოს ქართულ ენაზე.

3.18. პრეტენდენტის მიერ წარმოდგენილ უნდა იქნას რეკვიზიტები შემდეგი სახით:

- პრეტენდენტის სამართლებრივი ფორმა და დასახელება;
- ხელმძღვანელის სახელი და გვარი;
- პრეტენდენტის იურიდიული ან/და ფაქტიური მისამართი;
- საიდენტიფიკაციო კოდი;
- პრეტენდენტის საკონტაქტო ტელეფონის ნომერი;
- ელექტრონული მისამართი;
- მომსახურე ბანკის დასახელება და ბანკის კოდი;
- ანგარიშსწორების ანგარიში.

4. ხელშეკრულების პროექტი

სახელმწიფო შესყიდვის შესახებ

ქ. თბილისი

{რიცხვი} {თვე} {წელი} წელი

ერთის მხრივ სს „ელექტროენერგეტიკული სისტემის კომერციული ოპერატორი“ წარმოდგენილი მისი გენერალური დირექტორის ----- სახით (შემდგომში „შემსყიდველი“) და მეორეს მხრივ, **მიმწოდებელი** წარმოდგენილი მისი {ხელმძღვანელი თანამდებობის დასახელება, სახელი და გვარი} სახით (შემდგომში „მიმწოდებელი“) სახელმწიფო შესყიდვების კანონის, სატენდერო დოკუმენტაციისა და წინადადების საფუძველზე, გამარტივებული ელექტრონული ტენდერის (**SPA ტენდერის ნომერი**) ჩატარების შედეგად, დებენ სახელმწიფო შესყიდვის შესახებ წინამდებარე ხელშეკრულებას შემდეგზე:

1. ხელშეკრულების საგანი და შესყიდვის ობიექტი

- 1.1. ხელშეკრულების საგანს წარმოადგენს 1.2. პუნქტში აღნიშნული შესყიდვის ობიექტი.
- 1.2. შესყიდვის ობიექტს წარმოადგენს **სატრენინგო მომსახურებები (CPV 80500000)** სატენდერო დოკუმენტაციისა და წინადადებაში მოცემული პირობების შესაბამისად.

2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს დღგ-ს ჩათვლით ----- ლარს {თანხა ციფრობრივად} {თანხა სიტყვიერად} ლარს, დღგ-ს გარეშე --- ლარი.
- 2.2. ხელშეკრულების ჯამური ღირებულება მოიცავს ხელშეკრულებით გათვალისწინებული მიწოდების განხორციელებასთან დაკავშირებულ „მიმწოდებლის“ ყველა ხარჯს, საქართველოს კანონმდებლობით გათვალისწინებული „მიმწოდებლის“ კუთვნილი გადასახადების ჩათვლით.
- 2.3. ხელშეკრულებით გათვალისწინებული ანგარიშსწორება განხორციელდება სს „ელექტროენერგეტიკული სისტემის კომერციული ოპერატორის“ საკუთარი სახსრებით.

3. ანგარიშსწორების ფორმა

- 3.1. ფაქტობრივად განხორციელებული მომსახურებების ღირებულების ანაზღაურება „შემსყიდველის“ მიერ მოხდება უნაღდო ანგარიშსწორების ფორმით ეროვნულ ვალუტაში, მიღება-ჩაბარების დამადასტურებელი შესაბამისი დოკუმენტის საფუძველზე, „მიმწოდებლის“ მიერ საანგარიშსწორებო/საგადასახადო დოკუმენტაციის წარმოდგენიდან 5 სამუშაო დღის განმავლობაში.

2. მიღება-ჩაბარების წესი

- 4.1. მომსახურების მიღება-ჩაბარება ფორმდება მხარეთა მიერ ხელმოწერილი, მიღება-ჩაბარების დამადასტურებელი შესაბამისი დოკუმენტის საფუძველზე, საკვალიფიკაციო მოწმობების/სერტიფიკატების გადაცემის შემდგომ.

5. მომსახურების მიწოდების ადგილი და ვადა

- 5.1. შესყიდვის ობიექტით გათვალისწინებული მომსახურების მიწოდების ადგილია ქ. თბილისი.

5.2. მომსახურების გაწევის საერთო ვადაა ხელშეკრულების ხელმოწერიდან 2016 წლის ----- ჩათვლით.

6. მხარეთა უფლება-მოვალეობანი

6.1. „შემსყიდველი“ უფლებამოსილია:

- ა) ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება;
- ბ) მიწოდების დასრულებამდე გამოითხოვოს „მიმწოდებლისაგან“ მისთვის საჭირო დოკუმენტაცია.

6.2. „შემსყიდველი“ ვალდებულია:

- ა) უზრუნველყოს ღირებულების ანაზღაურება ხელშეკრულებით გათვალისწინებული ვადებისა და პირობების დაცვით;
- ბ) უზრუნველყოს წარმომადგენლის გამოყოფა, რომელიც ზედამხედველობას გაუწევს ხელშეკრულების შესრულების მიმდინარეობის პროცესს.

6.3. „მიმწოდებელი“ უფლებამოსილია მოსთხოვოს „შემსყიდველს“ ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

6.4. „მიმწოდებელი“ ვალდებულია:

- ა) შეასრულოს ხელშეკრულების პირობები სათანადო ხარისხითა და სრული მოცულობით, იმ ვადაში, რომელიც მითითებულია ხელშეკრულებაში;
- ბ) უზრუნველყოს ხელშეკრულების შესრულება ტექნიკური დავალებისა და სატენდერო წინადადების შესაბამისად;
- გ) საკუთარი სახსრებით აღმოფხვრას გამოვლენილი ნაკლი.

7. ხელშეკრულების შესრულების კონტროლი

7.1. „შემსყიდველი“ უფლებამოსილია განახორციელოს შემოწმება, რომლის მიზანია შესყიდვის ობიექტის შესაბამისობის დადგენა ხელშეკრულებით გათვალისწინებულ პირობებთან და „შემსყიდველის“ მოთხოვნებთან.

7.2. ხელშეკრულების შესრულების კონტროლს „შემსყიდველის“ მხრიდან განახორციელებს კოორდინატორი (შემსყიდველისგან უფლებამოსილი პირის სახელი და გვარი ან/და თანამდებობა).

7.3. შემოწმების შედეგად გამოვლენილი ნებისმიერი ნაკლის შესახებ, „შემსყიდველი“ დაუყოვნებლივ აცნობებს „მიმწოდებელს“ წუნდების მიზეზების მითითებით.

7.4. გამოვლენილი ნაკლის აღმოფხვრასთან დაკავშირებული ხარჯების ანაზღაურება ეკისრება „მიმწოდებელს“ საქართველოს კანონმდებლობით დადგენილი წესით.

8. ხელშეკრულების მოქმედების ვადა

8.1. წინამდებარე ხელშეკრულება მოქმედებს 2016 წლის ----- დან 20-- წლის ----- ჩათვლით, ხოლო ფინანსური ვალდებულებების შესრულების ნაწილში მათ შესრულებამდე.

9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ მეორე მხარისათვის წერილობითი გაფრთხილებიდან 15 სამუშაო დღის ვადაში.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დავები და მათი გადაწყვეტის წესი

11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. მხარეთა იურიდიული მისამართები და რეკვიზიტები

„შემსყიდველი“ სს „ელექტროენერგეტიკული სისტემის კომერციული ოპერატორი“	„მიმწოდებელი“ -----
ქ. თბილისი, ბარათაშვილის ქ. №2, მე-5 სართული ტელ/ფაქსი: 2-60-19-15 სს „თბილისი ბანკის“ ვერის ფილიალი ბანკის კოდი TBCBGE22 ა/ა GE76TB7505936030100001 საიდენტიფიკაციო კოდი 205170036	
{სახელი და გვარი}	{სახელი და გვარი}
გენერალური დირექტორი	{თანამდებობა}

სს „ელექტროენერგეტიკული სისტემის კომერციული ოპერატორსა“ და {მიმწოდებელს}
{წელი} {რიცხვი} {თვე} გაფორმებული ხელშეკრულების დანართი №1

5. აფიდავიტი

5.1. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში. აფიდავიტის პირობებზე დათანხმება ხდება დადგენილი წესის შესაბამისად. აფიდავიტის ფორმა მოცემულ დოკუმენტაციაში წარმოდგენილია საილუსტრაციო მიზნებისთვის.

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდეების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლია-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

6. დამატებითი ინფორმაცია

ტენდერის პროცედურებთან დაკავშირებით დამატებით ინფორმაციას გასცემს სატენდერო კომისიის აპარატის წევრი თეიმურაზ ვაშაგაშვილი, ტელ: 599 55 92 53; ელექტრონული ფოსტა: tvashagashvili@esco.ge

დაკავშირება უნდა მოხდეს ტელეფონზე ყოველდღე 10:00 სთ-დან 18:00 სთ-მდე, ხოლო ელექტრონული ფოსტით - ყოველ სამუშაო დღეს 10:00 სთ-დან 18:00 სთ-მდე.